


知常先生雲山集

一

據中國國家圖書館藏元延
祐六年李懷素刻本影印原
書版框高二十三·五釐米
寬十六·五釐米



知常先生雲山集

三

知常先生雲山集卷之三

瑤臺第一層

一點元真被妄想招來幻化身
螻蛄朝菌須臾情識結習迷雲火坑千丈機詐萬端白浪黃塵謾橫陳向
污泥坑陷苦海沉淪紛紛存亡得失是非榮辱苦
因循有時開悟癡團粉碎眼孔如輪性珠穿透方信
葆光函蓋乾坤自通神有壺天不夜洞府長春

木欄花慢

眩鳥飛兔走競出沒疾如梭更影戲浮生繩提幻化
攛弄教唆吹噓往來變態鬧紛紛平地起風波止是
蠅頭蝸角古今翻攪如魔蹉跎勘破驚回塵夢冷
笑呵呵悟本有元初靈明好在無少無多收藏更休
點污對野雲溪水唱山歌月下無人獨步杖挑雨笠
煙蓑

其二

笑平生幻惑遇牢落物華秋對世路羊腸人心蠱尾
剛變為柔紛紜戰酣白蟻向槐檀影裏覓封侯一覺
黃糧未熟百年光景都休推求往古來今成底事

盡何樓勘富貴浮雲功名盡餅身世浮漚分明眼底
見假便一刀兩段不隨流躍出迷津欲浪月明滄海
歸舟

其三

選峯巒佳處結茅屋伴蒼松有藥圃芝田耕雲釣月
香藹靈風憑欄俯觀寰海鼓洪濤千丈接長空幾度
蓬萊清淺杳冥淆混魚龍 三山聖種猶存龔瞽輩
覓無蹤笑阿母蟠桃安期遺棗誘引兒童任公巨緇
好在糖鈎懸五十引長虹蹲坐三年不見若魚何日

相逢

水龍吟

萬塵諸累重重一時穎脫如懸解青鞋拄杖鷄衣百
衲公身輕快南北東西浪萍風梗去留何礙許昂簪
笑傲行歌立舞縈心事無纖芥 不問壺天境界更
誰分區中方外如雲似水優游散誕縱橫自在轉首
襟期世緣空幻到頭終壞待他時興盡雲霞堆裏結
無爲會

其二

此身幸脫塵樊累，宜更選清涼地。山靈招我峯屏岫，
幌回環凝翠白石清泉。竹軒松逕草堂林際，揀憑高
穩處，儲風養月，更誰問人間世。壓盡壺天景致，笑
桃源落花流水。箇中時復靈仙高會，彩雲搖曳談笑
滄溟幾番塵土。劫灰彈指，倒金壺碧酒，鯨波一吸，且
陶陶醉。

其三

古今興廢存亡，落花滿地，香風掃茫茫。苦海洪波千
丈，無窮膠擾，俱在天真浪遊塵境。執迷顛倒，自玄都
別後，流離宛轉，誰更問長安道。但念功名未了，聚
愁眉苦縈懷抱。幾時會得三田靈秀，活人芝草，霞彩
雲英，竹風松月，藥爐丹竈，煉深根固蒂，長生久視，永
無衰老。

醉江月

初機學道道無形，着脚如何蹤跡。只在靈源方寸地，
體正元初端的。激濁揚清，明真削偽，掃蕩諸邪僻。迷
雲消散，密通方外，虛實主人堂上，無爲環樞應運。
不許纖塵及徑入，無何真境界。明秀高峯玉立，瑞氣

冲融祥光赫奕忘盡塵樊質逍遥遊宴壽同高厚無極

其二

夢中駭鹿戲浮生得失悲懽離合見解分明猶是夢
轉轉昏沉難覺雞口人情羊腸世路各自爭頭角揮
鞭舉棹一般巖嶮行脚 有日猛省心灰塵樊識破
方信從前錯林下山間安穩地雲水無情相約自在
時光逍遥日月脫盡拘束縛槐南枝上冷看黃蟻行
樂

其三

功名富貴似無繩縛盡英雄豪傑古往今來同影戲
頃刻存亡興滅羅綺妻孥盡堂金玉招感人窺竊繁
華粧點大都多少時節 自造惡業重重頭皮改換
苦楚經多劫爭似抽身聞早省時把狂心休歇世網
衝開玄關撥轉自得真仙訣功成歸去一輪江上明
月

喜迂鶯

欲明真趣便掃蕩多方亡羊岐路脫落皮毛惟存真

實絕盡向時行步一朶玉蓮開展不受纖塵點污收
絳雪飲玄霜依舊神丹圓聚自得無疑慮獨向翠
微手植無根樹顥氣橫空靈源浴月光彩一時揮布
萬斛寶珠莫比擁護收藏堅固神莫測鬼難呼功滿
驂鸞歸去

水調歌頭

端坐懶成癖雲水興何加襟懷洗盡塵物別有好生
涯選甚瀛洲仙闕鬧市花街柳陌觸處是光華切莫
問龍虎白雪與黃芽不耽詩不殫酒不拈花從來
本面公事何必向人誇晝覽故山風物夜被玄天星
斗百衲掩雲霞神鬼莫能測頃刻遍河沙

其二

徹底探囊篋那得一錢看從來底事活計不與俗相
干似得飲中賢聖滌盡澆心酪酊冷眼視塵寰斬斷
利名鎖踏破死生關做些癡撒些懶放些頑六門
拖拽不出蟄窟且躑躅別有非常手段捻聚虛空一
片澄澈夜光寒會得箇中意何必問三山

其三

興廢閱青史榮辱夢黃糧空華電影蹤跡謾弄恰如
狂分外爲蛇添足不省狙公賦芋憂喜兩相忘回首
舊鄉國風物盡荒涼百年身彈指頃鬢成霜人間
更莫理會安穩處承當靜夜月明風細相對雲朋霞
友談笑興何長一椀洗心茗一瓣劫前香

其四

漂泊異鄉客踏碎軟紅塵歸來處處庭戶簾幙捲黃
昏南北東西行色費盡芒鞋多少何處覓天根光曜
問何有亘古宵然存入無何遊太漠越崑崙風仙
底箇消息未許等閑聞亂眼空華零落桂魄團圓如
舊穿透水無痕尚賴扶搖伯高捲嶺頭雲

憶法眷伯瑜老

相遇會心友目擊契金蘭登天遊霧莫逆雞黍不相
干常記崑崙亭下俯瞰茫茫滄海揮塵笑談間霞捲
鎮陽北雲隱鶴山顏歲華迂人事革忽盟寒芒鞋
藜杖猶在唯憶扣玄關但願心圓如月表裏虛凝澄
澈密密運樞環一點迥無別千里共同看

滿江紅慢 勉劉主簿

眩目空花紛紛盡如繩絨縛軟紅塵堆裏汨沒認爲
真樂二陸來時忘後患兩踈見處誰先着正夢魂隨
蟻到槐安何時覺 興廢事曾着莫繁華盛還銷落
更不須人勸自宜斟酌古鏡磨開塵外境隋珠枉彈
簷頭雀待悟時回首進前程蓬萊約

其二

霞友相從雲房會笑談真息正鬱蒸天氣輕汗靜中
難敵冰玉旋敲新薦几玄冥坐使寒生席命月團時
復泛金甌鯨波吸 除煩熱澆胃臆功殊勝神通力
笑玉川風味趙州陳迹法界澄澄清可掬靈空浩浩
光無極問箇中真味口難言知端的

其三

萬論千經俱涉獵欲求真覺驗古今行迹移在口頭
渾錯不向心中團練就多生浩劫空牢落會本真神
口未能言何方學 無一物空索索常清淨通寥廓
下功夫涵養不須揮霍白雪陽春誰與和村歌社酒
爭跳躍看牛毛如許幾人知同麟角

其四

百煉千磨成底事襟懷冰雪向積塵堆裏灑落要明
心月根本泉源窮到底波瀾枝葉休分別遍世間誰
不是行人何須說 丹宜秘囊宜結屈無室行無轍
更莫思人我是非優劣鸚鵡雕籠因解語杜鵑枝上
空流血對利名車馬軟紅塵牢藏舌

其五

一片頑心何樓子無窮生滅被化機般弄馳騁許多
顛蹙敗骨如山成底事迷情似海難超越痛亘初靈
物久沉埋塵沙劫 求出離須猛烈尋知友談冰雪
下功夫磨拭壽光明徹風定波清潭底現雲開冷浸
天心月問啞人食蜜味如何無言說

其六

牢落多生無盡限紅塵蒙幕縱苦求懸解微處不堪
形詰猿子摩挲潭底月癡兒咀嚼刀鋒蜜更可憐法
網自纏綿何時出 燕石寶銅盤日渾淪棗浮萍實
這一團打破自通消息截斷葛藤閑惹絆破除谷董
狂蹤跡向本來一點便承當真端的

滿庭芳

全真

全本無虧真元不妄從來何少何多靈源亘古天地
與同科柰染諸緣萬境生情識招致羣魔難超越虛
生浪死苦海任奔波 聰明求出離回機一念決證
無何勘元初本有些子殺訛應 或頭頭總是分明在
依舊山河高懸鑒又還打破拍手笑呵呵

李老先生慶八十

南極儲祥少微呈瑞八旬應現人寰水雲踈散金鼎
煉神丹翫盡長春洞府逍遙占物外高閑無衰老龜
旋鶴遶相對且怡顏 懃懃重禱祝温爐澹炷劫外
旃檀念亘初容貌不許凋殘通古今如旦暮蟠桃見
幾度華繁常常在金壺碧酒高會列仙班

李社長壽

桃蘊蒸紅杏開微白仲春風物宜人莫踈九葉隴右
降天真應瑞葱葱佳氣寶猊炷劫外濃薰鳴金玉琅
琅聲裏高會洞中賓 良辰當勸勉仙風道骨早早
離塵悟人間虛幻着莫因循看取蟠桃結子靈芝秀
不羨莊椿常如此洞天深處獨步翫長春

玉蝴蝶

擾擾夢中身世白駒過隙多少時光使盡機關方寸
不暫清涼蓄奸邪更移鹿馬執迷網顛倒玄黃最堪
傷死生汨沒苦海茫茫難忘恩繩愛索火坑塵網
利鎖名韁一向貪饕不知青鬢染秋霜覆焦隍空爭
駭鹿多岐路謾逐亡羊自徬徨白雲深處一炷心香

村居

垌外地偏塵遠結茅小隱事事俱休脫粟黃漉安分
足可優游月徘徊昂簪緩步風冷淡懸涕慵收且淹
留野雲歸岫煙水橫秋唯收隨身數物靜巾悅手
細擲梳頭鉢置囊閑杖藜百衲外無求唱哩囉招來
牧豎相尔汝取次沙鷗更何憂奏刀無礙不見全牛

金童捧露盤

夢幻閻浮捨故趨新倏忽化機潛換天地一丘墟會
心冥冲漠野雲舒卷寄迹虛舟鑿形止水風激游絲
斷空玉宇無塵清澈混物我冤親相忘鵬鷁鎮樗散
此際穀食鷄屠逍遥遊宴聞乎無聲視無色罷金
鍤去膜作空花觀窻戶有餘清泯人牛蹤跡素華明

煥勝槩幽遐洞靈縹緲直許羣真翫步坦途搖頭拊
臂到醉鄉勝入高陽池館世情遠浮生瞬息歸來晚

同前

高會雲朋談笑人間幾度海濤清淺天地一吹噓動
閻浮出沒化機如電覆手存亡轉頭聚散物物虛零
亂謾戲弄蝸蠻槐蟻向魂夢悠悠雄圖堅遠無盡藏
山舟密運丘陵移換團空人世竟無識祗形囚浩
劫浪傳餘喘種性却回邪向銅盤聲裏太陽難辨試
運金鏗撥開朦膜眸子尋常見待細察螭螟若山貫
法界靈空慈雲彌滿了真觀方知下手須臾晚

玉女搖仙珮

先天有物未始難名彷彿氤氲元氣太極形生雞黃
乍判散作萬殊千異總被形囚累恣營營念慮多方
百計競聲利揚波鼓浪唯是無窮四事而已空膠擾
人間販骨番騰終成何濟誰信火傳棄舊物禪迎
新弄我真同見戲勘破搖頭伸眉一笑照徹多生凝
滯妄構閑非是總休論枉玷林泉風味秋靜夜雲收
空界纖塵不動月明如水人長在碧桃影裏醺醺醉

東風第一枝

遠樊籠虛舟不繫披覽閑中真趣未嘗羨珂里榮名
未嘗羨金閨矩步乾坤俯仰開扃牖晃朗庭衢會襟
期徑入無何脫巾奮然箕踞也不慕龍蟠鳳舉也
不問文林武庫欲事爲無事無爲欲思慮何思何慮
翛然平澹涉人世昼于于向故園管領光風歸來
似嫌遲暮

詠茶

坼封緘龍團闢破柏樹機關先見玉童製香霧輕飛
銀餅引靈泉新薦成風手段蚪髯奮擊碎鯨波仗此
君些子功夫瓊花細浮甌面這一則全提公案且
受用不煩寵勸滌塵襟靜盡無餘開心月清涼一片
羣魔電掃瑩中外獨露元真會玉川携手蓬瀛留連
水晶宮殿

江神子慢

詠香

玉童報朝徹仙夢斷華胥太平國素屏側金爐煖灰
襯雲心虛白御封坼一瓣纔拈清馥馥氤氳滿靈空

無間隔遍飄三境融融通高厚貫金石 神州初凝
玉釜記不萌枝上微露春色幾人識塵凡阻豈許垂
瓜明得氣綿密洞府高真俱默會遊蜂蝶紛紛無處
覓杳然曳縷虛凝入寥天一

同前

蓮塘雨初歇波面倚瓊花照澄徹命童折銀餅浸姑
射仙姿凝潔默時說大地寥天俱捻聚無巨細收來
藏貝葉放開微蘂真光塵沙界盡朝徹 一枝冥傳
亘古向無聲色裏出廣長舌莫分別纖毫受入眼還
同金屑拂陳迹物物般般無盡藏閑桃李真容俱漏
泄再拈誰肯承當付花梢月

齊天樂

自爲形所累寒餓交侵贅疣何異試究虛玄從初本
有一點圓明無際塵緣漠漠似千里晴空幻生雲翳
仗此靈風一時吹掃莫留滯 來之翛然往焉適耳
從伊粧點鼠肝蟲臂變化洪爐存亡皆可除外甚麼
堪畏逢魔遇阻駕神馬尻輪去留誰計穩坐忘懷始
終憑此志

春從天上來

暮暮塵埃嘆自古悠悠不省沉埋利名場上人我叢
中單認這箇形骸念本來一點誰無分都是仙材謾
疑猜喚千聲酩酊不肯頭回何日夢中驚覺管識
破從前白蟻庭槐洞天深處霞友雲朋談冰咀雪相
陪對紫芝幽圃香風裏碧酒傾盃信悠哉有龍蟠虎
遶沉醉蓬萊

天壽節

帝錫嘉祥正九五龍飛大業繁昌幹旋洪造整頓乾
坤雷轟電掣成章向玉京金闕威音震膽裂遐荒勝
陶唐應羣真交會四海平康寧論普天率土但蠢
介生民共賴胥匡蛸翹蠕蠕葵藿傾心曷報惠澤恩
光炷蘭薰瑞靄祈黃屋枝葉聯芳祝
吾皇願龍圖永固聖壽無疆

其三

身世蝸蠻在一氣盈虛宛轉循環電光影裏石火星
中生滅如許時間盡勞神膠擾名與利抵死相干自
摧殘爲一團虛幻百種機關睫在眼前不見但認

假爲真倒大癡頑太平難遇真道難逢識取舊日家
山到無何鄉裏雲霞步玉蕊芝蘭會仙班慶長春天
上來滿人寰

其四

肥馬輕衫富貴裏功名心醉如酣枕中春夢誰信鵬
程摩天巨翼圖南被目前虛幻空櫻擾枷鎖擎擔更
何堪向蠅頭蝸角苦苦貪婪他日眼開方省便聲
利場中稅駕停驂着鞭方外打破疑團冷笑暮四朝
三現本來一點凝然在秋月寒潭箇中叅聽金童謠

雲山三

一五

唱玉女玄談

其五

枯木寒灰寄野墅茅堂冷淡林隈地偏人靜月朗風
清窻戶絕點塵埃有自然消息銀霞璨珠玉瓊瑰信
悠哉看龍蟠金鼎鳳舞丹臺舉世利名心醉更誰
仗鵬程密網衝開此言還信侗儻男兒休更撒手空
迴認空生虛幻成何濟枉玷仙材早歸來赴蟠桃高
會談笑蓬萊

雨中花

一點靈源澄湛照徹多生浩劫情塵有不夜壺天風
物亘古仍存踞閻玉麟哮吼對床石女談論海童微
念寥天晴雪不下鷗羣 蛸翹蠢蠕同入吹噓寒谷
爲我回春那更有越吟思舊楚些招魂儘恁銅盤蠟
炬摩挲晚照餘曛神丹旣濟玄珠好在默默昏昏

其二

林下山間人市處處天遊在在玄虛更不許絲毫增
損具足無餘漆桶甘沉黠闇戲場自作塗糊枯骸隱
几蒼天誰問枉用吹噓 形名寓耳覩縷真容非鉛
非汞非珠縱舉似百端拈弄妙處難摸誰有輪扁手
段成風去聖功夫頭頭物物洪纖巨細色色如如

其三僕自騷屑東遊吟竦宛轉十有餘年

杏絕山陽一日表弟不厭披榛垂顧
蓬蓽就審舅氏兼庇玉屬無恙惘然
猶疑夢間於是亂道雨中花詞奉寄

二十年間曾記對語山陽森碧琅玕談笑裏蓬萊清
淺陸漲波瀾驚喜靈根無恙雙明玉樹同看攬捨境
裏漫漫長夜共話團樂 余生散漫江海虛舟一葉

不揆循環俱老矣，閑河千里晤語良難。自笑煙霞痼疾，半生風月長閑。別時好在雲根水骨，相對怡顏。

望海潮

春水初泮，長川洶湧，桃花碧漲波瀾。海若幸臨馮夷，自笑靈源退鷁，來還塗抹興闌。罽便截斷懸流撥轉，機閑回首人間底事，膠擾蟻循環。遽遽世夢驚殘，顧雲間岫幌，月賁山顏。芳草藉茵，森松偃蓋，峰巒聳聳。碧欄杆、天地許多寬，方自在無拘心契。金蘭寄語，功成事遂，佳處莫盟寒。

洞仙歌

百年光影，綠鬢須更改。擾擾勞生是非海。料存亡隱顯，盈虛興廢，事盡默聽玄中真宰。甚狗苟蠅營，爲浮名薄利，苦縈心萬般機械。閑中一著，莫妄生枝派。平地瀛洲，故人在運靈風，掃蕩情塵。須勘破生死牢關，懸解便領畧玄珠，用無窮得自在。逍遙去來無礙。

同前

千魔萬難，苦海沉淪，慣枷鎖渾身強牽。挽認簷溜一點，浮漚來又去，識不破空華虛幻。便酩酊朝昏，又誰

知在本有真靈萬塵羈絆 夢回酒醒子細開青眼
閑裏光陰着心看觸體元不會東西還戲弄千古輪
迴無限但省後收心便歸來莫只待西山日沉天晚

月中仙

浩浩靈源自先天恍惚難貌形狀殊非想像罷兎角
龜毛頭頭分朗百般呈伎倆盡分外無風起浪截斷
亡羊路山雲野水相與復相忘 神光照應無方示
灰寒地文舒緩天壤低頭放杖便擊木無聲敲空作
響不須求罔象得自在無拘縱放信手拈來用如意

雲山三

八二

長

寶珠無盡藏

粉蝶兒

嚼蠟塵情誰知淡然無味販何樓一場兒戲看成空
渾不懂夢中身世謾橫陳使機關到頭何濟省後俱
休尋箇久長之計便收心破除人偽遠樊籠捐俗物
洞天嘉致結雲庵對西山萬峰凝翠

其二

薄利浮名抵死向前忙幹更光陰暗中催斷傀儡棚
詳攬弄般成公案下場時盡盧都不堪重看 風迤

晨鐘驚覺夢中青眼覺從前盡成虛幻火坑中安穩
地自由人揀早歸來莫祇待日沉天晚

其三

綠鬢朱顏那禁兩輪烏兔被恩枷愛繩纏住重如山
深似海渾身擔負轉頭看只贏得一丘閑土 些子
時光白乾自招憂苦早抽身快尋出路水雲鄉閑笑
傲開懷行步有玄珠待歸來向伊分付

婆羅門引

一毫不立萬緣俱遣露真詮冲虛躡景冷然莫向他
方物外別覓洞中天是韓獪逐塊陽焰爲泉亘初本
源只這是更無玄默究端端的體用完全分分朗
朗放一段光明不記年還會得心月團圓

其二

古今擾擾大都奔競利名場舟車僕馬如狂到底功
勲事業分付夢黃糧甚剛求失鹿不見亡羊 且宜
自防須着脚水雲鄉截斷從來去路步步清涼本然
自得是千古圓明珠玉房真箇事誰肯承當

其三

洞天物外自然真境妙難傳羣真宴賞留連鶴舞龍
吟鳳嘯飛霧走雲煙擁霓旌月節羽蓋芝軒 醉中
論玄噴珠玉沂流泉笑指蓬萊清淺幾度變桑田真
容亘古縱劫火焚空無變遷誰解此紫府神仙

其四

此身有限利名無盡苦貪求人間事事何樓大抵百
年光景贏得一荒丘似花梢晨露水面浮漚 省時
便休須勘破此形囚千古迷繩割斷跳出洪流逍遙
坦蕩煉一粒神丹物外遊功行滿平步瀛洲

雲山三

十

侍香金童

天壤之間蕩蕩無拘束一二襟期資野服何處會心
宜卜築萬壑松風一溪寒玉 炯茅堂澹炷温爐香
味馥聽雅奏雲和塵外曲列岫窻分真面目未到蓬
瀛乃平生足

傳言玉女

覲面相逢一顧眼中人識會心冥處遙山寸碧洞天
雲影磊落翠嶽蟠石芝英好在幾經秋色 淺淺蓬
瀛談笑間滄海易採真携手共遊天地一人間盡恁

電轉風翻塵物玉峰高會莫通消息

望梅花

布袍

麤布寬袍製就開掩快不須網細虛豁襟懷籠通腋下舒縮恣容雙肘別無有卧蓋行披更兼宜衆中袖手似恁全身領受又何妨顧前盼後雅稱芒鞋偏宜藜杖出入送迎霞友有開口問斤兩何如便分明向伊抖擻

衲襖

雲山三

五

不用衣衫楚楚隨緣化布帛絲縷選甚青黃從交橫順下手裏頭聯補見功處百片千條緊穿連着身堅固如意禦寒冒暑隨所在別無疑慮轉肘爬搔渾身輓圖一任不須回護没人覷自在縱橫敢承當箇中作主

驀山溪

平生懶散不識閑煩惱蝸舍但容身更誰問瑤臺瓊島比隣縱有三兩野人家忘取舍絕將迎門外何曾到煙霞痼疾妙藥難除療只管放心閑未肯把靈

源膠擾任行坐卧此外別無能真箇事樂逍遙便是
前程了

其二

眨眉瞬目說盡重玄理黃葉止啼休莫只待鋒鋒相
抵玉關人老歸去罷論兵閑日月太平年村釀家家
是橫擔拄杖唱箇哩囉哩豈羨廟堂榮更管甚泥
中曳尾錦鱗自在騰躍禹門高收網罟撤絲綸不用
垂鈎餌

其三

從來習性塵冗知多少省後急消磨動靜裏專專計
較閑非閑是不掛一絲頭牢閉口緊降心人我先除
掃任行坐卧莫把心王惱向上有機閑更不許愚
迷便曉積功累行慧眼忽然開芝草秀大丹成作箇
仙無老

其四

蹉跎十載養就真無賴事事不縈心更絕盡凡情世
態將迎冷淡度日且閑閑翻着襪到穿衣一任人憎
愛鑄就三尺龍泉快氣焰徹天庭又不見全牛

可解跼蹐四顧不敢等閑看
隨身帶密封緘地久天
長在

鵲橋仙

疑根未斷遊魂不返多少閑情
惹絆野雲溪水自由
身與利鎖名韁許揀 塵緣一判
凡情盡遣却悔收
心已晚五雲深處醉蟠桃
管不羨兒孫滿眼

其二

依山隱霧臨池影舞却被文皮自誤
豫章楠梓有何
辜受斤斧傷殘無數 惺惺不悟
還同暮故身後虛

名何處霎兒光景認爲真盡忘了
長生道路

其三

瓊分石碎珠離蚌壞文豹豐狐自害
衆中誰肯密藏
身但鼓髻爭頭要賣 誇功即退
成名即敗鏡裏朱
顏不再到頭畢竟化爲塵
枉棄却玄珠寶貝

其四

玄珠無類真容無對不許纖塵遮
蓋年深團練轉分
明要天府收藏沒賽 全身輕快
渾無機械法網塵
情俱解有人登壠欲商量
此不許人間販賣

其五

天真靈種華胥入夢趣取人間無用玄珠天府密封
藏誓不敢紅塵賣弄 魔軍齊闕聲音迎送饒取威
嚴尊重金毛披着上場來却忘了如山不動

其六

妻男鐵鎖家緣猛火煎迫猖狂怎麼蠅頭蝸角有多
來便捨命爭人競我 執迷不趨甘心籠裏黑謎猜
他不破只須閻老帖來勾待不得兒孫長大

其七

曲鈎魚鬪直鈎無鈎今古分明知道世情看假盡成
真總不識先天至寶 孤光圓照相忘同調物物俱
休逆料本來一點上通天向姑射山中笑傲

其八

一團奸俏一團性氣動處欺天昧地傷他利己損生
靈廣作業交誰代替 冥司斷制如何迴避不許強
辭抵諱頭皮換却不如今受苦楚何時出離

其九

靈源春渚芝蘭藥圃發我歸心零舞玉堂金室隱雲

霞纔信及青霄有路
瑤臺瓊島珠林琪樹香靄神
風引步幾迴海上看蟠桃千歲裏花開一度

其十

閻閻聽誑天真成妄俱喜攢頭裝相慙懃香火步虛
聲攏弄向顛顛木上
無多利養做些模樣呈盡平
生伎倆到頭畢竟意如何不見了玄珠罔象

其十一

贈大方時在共城

來時如覺去時如夢別我無情相送臨行囑咐沒多
言但莫把人情戲弄
真師宜奉仙場選中乘取彩
鸞金鳳向蓬萊高會醉蟠桃也勝似人間打關

太常引

夜深凝寂月明堂曳縷返魂香物我兩相忘恍然在
清微帝鄉
眼前今古世間歲穀一例盡亡羊險處
不隄防競奔走槐檀戰場

其二

滿山風物一溪雲猿鶴自爲隣絕盡軟紅塵向物外
安排此身
藥爐丹鼎鳳膏龍屑烹煉玉華新遊宴
景長春要承當方壺舊人

其三

幻塵擾擾夢魂飛，着脚履危機。省後自驚疑，猛跳出樊籠制圍。草鞋藜杖素冠蓬，鬢弱筇與蓑衣雲水。任東西更管甚人間是非。

其四

賢愚汲汲鬪經營，唯是利和名。渾似弄潮人，與千丈風波競爭。百年光景一堆塵土碌碌苦勞生，回首問前程望極目山河未平。

其五

紅塵白首尚羈縻，忙亂趁多歧。走骨鬪行屍，問來往驅馳是誰。一天風月一溪雲水，此處好栖遲。說與更生疑似，揜耳偷鈴自欺。

其六

人生弱喪自迷方，來往恰如狂。泥裏弄泥團，竟不識神珠夜光。幾多風雨幾回磨滅，爭肯暫恓惶。何處是家鄉，便指與疑心怎忘。

其七

化工幻出是非囊，般迤利名場。癡子競商量，便迷却

家園故鄉 摧殘冰雪憂愁風雨幾度變炎涼一念
果難忘受萬劫輪迴自當

其八

非僧非俗不求仙茅屋兩三椽白石與清泉更誰問
桃源洞天 一爐香火一甌春雪澆灌淨三田閑想
谷神篇忽不覺松梢月圓

其九

道人活計要清虛不受利名拘囊橐一錢無似出水
圓荷迸珠 一瓢糊口衲衣遮體此外更何圖高枕
及華胥向物外釣天曳裾

其十

情知萬事轉頭空穎脫出樊籠飲啄且從容更不問
三山五峰 一丸丹藥一枝藜杖來往任西東隨處
有雲朋盡出沒重玄道中

鷓鴣天

雲散風清雨後天新荷擎露碎珠圓清泉汨汨流塵
外白石巖巖賴醉眠 山色裏水聲邊留連風月話
重玄溪童欲問人間事笑指漫空柳撒綿

其二

盡餅充飡必也虛刻舟求劍決然無癡心密數人遺
契妄念重尋兔守株 先聖迹古人書糝糠難作夜
光珠萬緣拂盡方知道妙處那能說與渠

其三

翠翦紅裁滿故園無窮花木鬪爭妍東風不許常如
此捨故趨新別有權 花委地絮漫天纍纍青子葉
含煙無情不逆機關弄坐看枝頭幾變遷

其四

暮落朝開木槿榮圓荷出水露珠傾火雲千丈燒空
際汗雨淋漓倦鬱蒸 虛白室誦黃庭洒然風度有
餘清坐看造化閑般弄熱惱浮生不暫停

其五

金菊踈籬擅化工草蟲切切話秋容荷衰蘋老蘆花
白撩亂西風墜葉紅 山減瘦水爭雄驅馳萬有盡
歸宗道人亦喜三彭滅清夜無眠坐絳宮

其六

霜雪巖巖百物殘不禁長夜苦漫漫化工自促歸元

命歲德回機養大還 蟠地軸定天闕玉封瓊島及
三山真仙不管人間世幾見黃塵滄海乾

其七

門外黃塵點浣人山童不敢啓雲扃石壇清坐神遊
北徑及無何接玉京 香藹藹氣盈盈蟠蛟飛鳳會
雲朋自傾碧酒重玄飲醉裏乘風下太清

其八

造物兒童作劇狂懸絲傀儡戲當場般神弄鬼翻騰
用走骨行屍晝夜忙 非是海利名鄉青蠅白螳自

雲山三

三九

相傷隨聲逐色誰敲點拍手歸來笑一場

其九

千匝迷繩不自由區區分外苦追求心中元本無煩
惱鬧處先爭要出頭 增我相替人愁功名未了鬢
先秋莫防風激游絲斷撒手歸空萬事休

其十

事事無心恰到閑黃塵閫外不相干幾多着網因名
縛無限吞鈎被口謾 樊物外水雲閑不勞辛苦運
樞環藉莎白石和衣卧野鳥山猿相對看

其十一

弱喪飄流未肯歸玄關說與更增迷此行若遇商丘
老拚却枯骸更不疑先犯早後逢遲箇中消息幾
人知東風不解傳春信李白桃紅自滿枝

其十二

人僞開張日漸深等閑不惜費光陰多方計較愁無
限百慮摧殘苦不禁心事逼鬢霜侵功名寰海妄
追尋發言布袋中盛蠟舉目人間但見金

其十三

自救狂心忘世情從交相責冷如冰人間會盡頭休
點物外行來眼自明山寂寂水泠泠滿天明月淡
踈星松風卻似知音者夜夜招呼萬籟鳴

其十四

爭鹿人家夢未迴眼前觸物盡塵埃古人蹤跡徒云
耳宿世功名安在哉明月窟亂雲堆紛紛浪語總
休該流霞一醉三千日莫管紅輪上下催

其十五

販骨來來幾萬生前煎熬窟裏謾崢嶸百年不覺消疣

贅千載無能息剿黥 翻欲浪起心兵迷繩自縛聚
愁城幾將濁水澆曾臆倒語顛言賀太平

其十六

過隙光陰抵死催浮生屈指有多來芥城業識填將
滿拂石迷雲撥不開 功打底罪爭魁英雄呈徹死
堆灰一團虛幻閑般弄有耳如聾喚不迴

其十七

自悔閑人合住山人間驅使不能閑交朋力擁推離
位鼓板聲催弄上竿 無伎倆轉身難大家取笑有
何安好心用處翻成惡煖氣呵人變作寒

卷六 山三

三十一

其十八

太極玄虛若鏡清乾坤元是鏡中形人身影裏重生
影物象名中復寄名 空外物夢中評一團虛幻戲
靈明有生不慧看成實夢裏分空着力爭

臨江仙

舉世紛紛爭富貴道人獨占清貧清貧柔弱得安身
心閑無事過隨分樂天真 一點浩然如古鏡圓明
不受微塵護持功滿自通神超陵三界外遊賞四時

春

其二

歲月無情如電轉人生不耐消磨前程路險莫蹉跎
火坑千丈裏踴出上高坡 別覓清涼安穩處掃除
平地風波不移一步到無何一枝無孔笛一曲太平
歌

其三

我本世間無用物般般伎倆都忘十年冰雪坐虛堂
人情牽挽動般般弄不能藏 却憶雲山尋僻地結茅
小隱何妨竹軒松逕倍清涼月明千嶂外風動百花
香

其四

醞釀長生天上酒人間此味誰知玉壺旋貯碧玻璃
時時供小飲神彩更忘疲 好會襟期方外交同冷
火棗交梨幾回滄海變塵飛三山歸去日携手步雲
霓

其五

自笑口頭閑伎倆口頭畢竟非真早知拂却舌尖塵

三緘常默默超出是非津 屏盡千魔并萬難閑中
頓覺願神好風明月自相親多生緣習斷印證本來
人

其六

人我是非相戲弄渾如傀儡場中虛聲亂耳不知空
強分胡與漢塗抹走西東 識破固非真實事何殊
拂面狂風與伊相對且雷同安身非取此承當主人
翁

萬年春

夢到華胥半天宮闕塵凡表異香縹緲曳縷雲霞繞
浩浩靈空不夜神光皎誰人曉與君知道永劫春
難老

其二

生滅無情古今輪轉平如水急須隄備作箇前程計
自有元初一點何曾離靈無比鍊成真體壽量齊
天地

其三

雲海蓬萊瑤林瓊樹真仙種彩鸞鳥金鳳來往相迎送

說與人間不信成無用塵情重牛毛冗冗爭作槐
根夢

漁家傲

拋却俗情韁鎖解般般放下身輕快絕盡塵情忘世
態無人采本來一點常安泰 處處唯求真自在誰
能出貨圖人賣不是閑神并鬼恠無相礙何勞盤果
香煙賽

其二

伎倆全無痴懵懂紛華世事看如夢贏得一生心底
空忘塵冗客來不管相迎送 我自情踈誰與共愛
閑不願人欽重看罷南華無所用休相哄老來生怕
閑般弄

雲山三

三五

感皇恩

傳火付前薪花聯葉綴嚙下頑涎弄神鬼戲臺子上
抹土捺灰相繼是非名利裏虛生死 谷董謾他葛
藤自繫試看棚頭五田子聲銷線斷伎倆都無如此
謾崢嶸不省誰驅使

其二

合浦未還珠空撈赤水蒿目蓬心兩何濟縱令垂手
援溺孜孜爲意奈洪波浩汗爭沉底 槐裏圖勳枕
中得意說與重玄淡無味木鵝休放三老歸來沉醉
對晴波不用雲霞餌

其三

未始出吾宗波流變化欲假言傳又何暇平懷本分
日用分明真假更何勞向外尋嬰姹 八面玲瓏元
無罣罣今古商量未嘗罷據梧枝策都付閑中談話
寶珠無盡藏誰酬價

其四

事事不追求隨緣且過欲作神仙妄心大瑞雲深處
一拶牢關俱破更誰諳自有真真箇 未及乘風相
忘物我比着塵凡較輕可無絃品弄不若閑行閑坐
恐知音又有松風和

其五

雲海接瀛洲鵬程浩渺換盡凡胎步方到神仙底事
紫府丹臺幽杳縱分明指點人難曉 藥圃芝田靈
苗瑞草滿地香風遣誰掃洞天不夜月底行吟縹緲

待知音付與玄中寶

其六

清淨本然真紅塵積染世網情枷競趨諛茫茫苦海
鼓蕩洪濤激灑弄潮人不避風波險 彼岸高登家
園點檢千古離魂自招颺般般拂盡依舊元初一點
夜光舒洞府雲霞斂

其七

一念失真常沉淪苦海六道周遊趁情愛形囚物殼
顛倒何時懸解在人中分外貪婪差 死去生來千
形萬態宛轉循環要寧耐片時光景不測頭皮更改
勸抽身莫待臨時悔

其八

雀躍拊髀行推門放杖齧缺支離未偃傍屠牛牧馬
畫箇葫蘆依樣涉程途聖智生迷惘 不識不知如
何趣向狂屈纒言又還忘百般呈似種種施爲俱妄
要承當的的天真相

其九

物外迥無塵壺天閣苑雲影虛簷自舒卷月魂冷浸

不謝瓊花開展異香金篤耨通幽遠 高會謫仙蟠
桃置宴滿酌流霞浩歌勸噴珠咳玉走鳳蟠蛟酬獻
指蓬瀛笑傲談清淺

其十

天地一蘧廬形骸寄旅彈指光陰遽如許眼前心上
暗鬼空華無數盡勞生冗冗同囹圄 塵境破除於
中作主俯仰人間已今古忍將一點甘受名囚財虜
訪林泉自在雲霞侶

其十一

事事飽諳知纔尋易簡種種施爲盡虛幻飯囊氣袋
伎倆呈來羞赧夢魂驚覺後開青眼 百不介懷蹉
跎懶散法網塵緣莫推挽嵐光野色溪月松風何限
放閑身自在無拘漢

其十二

着脚軟紅塵心君懊惱占得時光有多少窮通利害
得失存亡翻攪使機關見解何時了 爭似去來巖
阿靜悄平步瀛洲幾人到風林月嶂牕戶雲霞縹緲
任縱橫總是長安道

青杏兒 詠菊

春夏競芬芳天憐此秘惜藏光紛華落盡方開展踈
叢淺淡孤標冷落獨傲秋霜 好在水雲鄉無人知
見又何妨賞心希遇陶元亮新松相對金英依舊風
逗天香

其二

秋色滿林紅霜風妬物物皆空榮枯頃刻如翻掌紛
華識破疑根自斷躍出樊籠 隨處得從容身輕快
具足神通人間天上俱無累乘風御氣飛騰自在南

北西東

其三

人世太愚癡虛幻裏自作羈縻妻男眷戀何時盡同
枝宿鳥天明解散各自東西 走骨與行屍看不破
傀儡関機一朝猛省方開眼迷繩割斷牢籠跳出也
是便宜

其四

沙暖狎輕鷗從伊便喚馬呼牛樗材擁腫元無用臂
雞時夜尻輪命駕江海虛舟 無感亦無求拈出處

茅靡波流頭頭相與吾之耳風清月白踈梅瘦竹都
是天游

其五

一炁貫寥寥冥混裏孰謂鵬蜩千形萬狀隨空化乾
坤運轉遊塵野馬都在扶搖 曳屣挈簞瓢異玉食
肥馬金鑣薰蕕梟鳳雖殊器天鈞一點靈明不昧各
自逍遙

武陵春

造物化成虛境界人我是非叢蠻觸交侵各用功都
在夢魂中 勸飲一盃方外酒兩頰鎮長紅醉眼朦
朧望碧空着莫辨西東

其二

山鳥喚人歸意重佳處有林泉茅屋經營三兩椽據
分不拈錢 萬壑風鳴千嶂月小有洞中天石上松
間坐與眠何處覓神仙

其三

斷鼻芒鞋秋後扇不是背時行側卧香爐沒底鐺着
甚更崢嶸 此物只宜閑處頓相見各無情莫恠淒

然冷似冰安穩過平生

其四

幸遇真仙來海上丹藥肯長留亘古靈方秘箴收傳
與列仙儔 試貯金壺成醞釀一飲醉千秋海變桑
田不舉頭冷眼視蜉蝣

柳梢青

人靜月明時節漸煮茗爐中火滅心宇灰寒古桐絲
斷燼花凝結 惺惺夢及華胥迥表裏冰凝玉潔瑞
氣冲靛丹雲縹緲五明宮闕

其二

明徹口頭三昧拂迹便忘言守拙古道潛通先賢冥
會太平時節 長安陌上縱橫更不在拈花摘葉處
處圓通頭頭皆是放開心月

其三

靈明本無圓缺先太易常存浩劫一受成形隨流忘
返死生磨滅 貪婪百種遭殃謾販骨如山未歇正
眼開時元無一物頓然超越

恣逍遙

圖名圖利爭人競我開眼後一場懡懡誰高誰下誰
強誰弱閻老子一般籠裹事事俱休般般打破無
拘管住行坐卧風前月下水邊巖左且由俺快活則
箇

其二

野服黃冠芒鞋藜杖無拘係水雲來徃行歌立舞玄
談清唱也不論王侯高尚性月圓明神珠晃朗周
沙界迥無遮障逍遙自在優游偃仰人間事任他勞
攘

其三

昨日嬰孩今朝老大百年間電光石火箭聯骨肉皮
毛纏裹酪子裏認來是我競氣忘形貪財引禍到頭
待做箇什麼回頭認取本來真箇這疑團一時打破

鳳棲梧

造物謾人人不懂聲色場中傀儡閑般弄今古廢興
乾取哄須臾戲罷俱無用眼自不明真籠統走骨
行屍逐勢相迎送強弱是非空冗冗虛生浪死輪迴
種

其二

過隙光陰相戲弄，幻出浮生變滅如。旋踵酩酊不知空，日用恩枷愛鎖如山重。錐刺不疼針刺痛，性命顛預外事多惶恐。何日如輪開眼孔，惺惺不作槐根夢。

一剪梅

雲水鄉中即是家，性耽丘壑志傲煙霞。清虛已戰勝紛華，世事從他擾擾如麻。客至何妨不點茶，相忘交結冷淡生涯。坐中無物向人誇，唯有延生一粒丹。

砂

其二

珠樹瑤林氣象嘉，玉龍無力熟寢銀霞。青童旋撥貯瓊花，瑩徹冰壺一色無瑕。寶鼎初溶火漸加，濃烹團鳳極品黃芽。塗金羔酒世情誇，此况誰知物外仙家。

其三

薄暮餘霞天際紅，反関無俗指點山童。新泉活火煮雲龍，受用仙家兩腋清風。千古埃霾雪下曾陰魔。

除掃不敢形容玉川携手水晶宮月裏行歌縹緲孤
峰

其四

畏日炎炎氣鬱蒸枯禪頻起靜勝無能先春雪浪浸
冬凝喚起玄冥滿坐寒生北帝威嚴正令行祝融
退步酷沴潛形神通揮霍貫心靈乘此清風歸去蓬

瀛

其五

是是非非橫口開顛顛倒倒百種乖崖仙凡何地可

雲山三

一

安排萬事無根空去空來一點靈明大矣哉茫茫

今古空有全該巫咸休作杜權猜魔魅難窺寶鑿當
臺

西江月

挾策亡羊莫問覆蕉失鹿休窮大家都在夢魂中夢
裏重重作夢具足元亨貞利圓明微妙玄通眨眉
目擊莫形容拈出般般妙用

其二

拍塞虛空無外包羅天地難窮大千沙界盡含容不

是顛預籠統 狂屈欲言還忘季咸自愧無功試拈
未始出吾宗驚破南枝午夢

其三

自性天中日月元真海裏舟航千門萬戶爲敷揚引
入亡羊路上 續焰傳薪莫會金壺碧酒先嘗博山
一炷劫前香鼻觀難通妙况

其四

絕相縱橫妙用離形左右皆吾普天匝地盡如如罔
象還同暮故 宇泰天光內發室虛真宰常屋没功
夫處用功夫穩駕神舟歸去

其五

不在拳頭指上何勞眼尾眉尖本來一點要安恬點
綴絲毫即玷 莫帶蒲團竹椅休耽象軸牙籤此心
冥處貫洪纖妙用頭頭有驗

其六

巨細洪纖在在飛潛動植芸芸乾坤升降不停輪借
問誰爲轉運 妙理周行獨立真君莫測冥存一針
一草盡渾淪拈出虛空有壘

其七

浩浩彌天匝地冥冥貫石穿金千形萬狀內浮沉往
古來今只恁 搏塊當空未見遺珠罔象能尋無生
一曲少知音唱出諸方口噤

其八

覺性從來具足天真本自完全浮生多被眼睛瞞並
月空花繚亂 八識元從孰起六根本是誰般豁然
打破這疑團吾道分明一貫

其九

莫問丹砂鉛鼎休披虎遶龍蟠中間妙處自相謾業
識忙忙不筭 六欲七情灰滅五行四象雲攢放行
收聚一團藥赤水神珠炳煥

其十

物裏存亡有限人生光景無多不禁兩曜急銷磨枉
恁爭人競我 見解明如龜鏡從渠辯若懸河到頭
無計避閻羅着甚枝梧得過

巫山一段雲

寂照山嶠月虛心出岫雲不留不礙賁天輪來徃自

通神 誰向空中作主端
坐放行收聚有無光曜遍
乾坤真宰默然存

其二

法雨神山秀靈風瑞草香
洞天無處不清涼日月景
遐長 玉珮金鐺搖曳飛步太虛遊戲五雲深處飲
瓊漿沉醉太平鄉

其三

暖候飛灰律陽和入燒痕密傳春色滿
乾坤枯朽闢爭新 妙用無私無象雕刻萬形千狀不言品物自

芸芸何必問東君

其四

秀木枝枝茂圓荷柄柄香
化工園囿密收藏神秀滿
池塘 礫石流金畏景紈扇飲冰難勝有人身世兩
相忘隨處自清涼

其五

雲散金風勁天開玉宇新
亭亭孤月轉冰輪光彩破
黃昏 清坐翛然韻勝縹緲太虛真境不煩風馭與
飈輪平步越崑崙

其六

弄玉歌清律飛瓊舞散花乾坤一色散銀霞何處是
仙家表裏纖塵不立呈似太虛消息晃然高下盡
玲瓏神鬼覓無蹤

蘇幕遮

少追陪稀赴會本分隨緣一任人憎愛勘破前程生
死大自究元初晝夜休交昧不粧高不捏恠卓尔
身心動止俱無礙贏得逍遙長自在行滿功成定是

介



